

U ime Allaha, Milostivog, Samilosnog

H U D B E

Hazreti Mirza Masroor Ahmad
ajadahulah-talah bi nasre hil aziz
V halifa Obećanog Mesije a.s.

30.10.-27.11.2009.



بِسْمِ اللَّهِ الرَّحْمَنِ الرَّحِيمِ ء

نَحْمَدُهُ وَنُصَلِّي عَلَى رَسُولِهِ الْكَرِيمِ ء

الْحَمْدُ لِلَّهِ رَبِّ الْعَالَمِينَ -

وَالصَّلَاةُ وَالسَّلَامُ عَلَى رَسُولِهِ مُحَمَّدٍ وَآلِهِ وَأَصْحَابِهِ أَجْمَعِينَ ء

“Sva hvala pripada Allahu, Gospodaru svih svjetova; mir i blagoslov neka su na Njegovog vjerovjesnika Muhammeda, s.a.v.s., i na cijelo njegovo potomstvo i ashabe.”

Hudba 30. oktobar 2009.

Božiji atribut Al Wali (Prijatelj)

Kratki sadržaj hudbe koju je 30. oktobra 2009. održao Hazreti Mirza Masroor Ahmad Halifatul Masih V Ahmadija muslimanske zajednice

(Napomena: Naš tim 'Alislam' preuzima punu odgovornost za bilo kakve greške ili nerazumijevanje u kratkom sadržaju ove hudbe)

Huzur je danas u svojoj hudbi petkom nastavio na temu Božijeg atributa Al Vali (Prijatelj). U Časnom Kur'anu Allah skreće pažnju vjernika kao i nevjernika i također upozorava pagane:

“Za njega su ispred i iza (određeni) čuvari; oni njega čuvaju po Allahovoj naredbi. Zaista, Allah ne mijenja stanje jednog naroda dok oni ne promijene ono što je u njihovim srcima. A kad Allah odluči zao kraj za neki narod, oni ga ni na koji način ne mogu izbjeći, niti imaju ikakvog pomagača mimo Njega.” (13: 12)

Huzur je objasnio da je Allah obrazložio četiri aspekta u ovom ajetu;

- a) Allah je uzeo zaštitu svakog pojedinca u Svoje ruke,
- b) On odlučuje o jednom narodu u skladu s njegovom praksom,
- c) kad Allah smatra nekog da podliježe da bude kažnjen, ta stvar ne može biti odvrćena, i
- d) jedini On je istinski Pomagač i Prijatelj.

Tumačeći prvi dio ajeta: *“Za njega (Poslanika) su ispred i iza (određeni) čuvari (meleki u nizu); oni njega čuvaju po Allahovoj naredbi...”* Obećani Mesija a.s. je napisao da je Allah odredio stražare za vanjsku ili očitu, kao i za tajnu ili skrivenu zaštitu Svojih ljudi. Ovi stražari prije svega štite Božije poslanike među kojima je Časni Poslanik najistaknutiji. Poslije svog rođenja on je postao Allahu najdraže biće i od vremena njegovog rođenja do smrti, Allah je za njega, na neuporediv način ispunio ovo naprijed spomenuto. Svima je poznat njegov život u Meki i kako mu je Allah na svakom koraku pomogao na najsjajni način. Sura iz koje je uzet ovaj ajet, sura Al Rad, bila je objavljena u toku Mekanskog perioda kad je mržnja neprijatelja prešla sve granice. Također imamo veličanstven primjer Bitke na Bedru kad je Allah omogućio očiglednu kao i skrivenu pomoć za Poslanika s.a.v.s.

Amir ibn Tufai bio je poglavica pagana koji je došao Časnom Poslaniku s.a.v.s. i pitao da li on može, ako postane musliman biti nasljednik (Halifa) Poslanika poslije njega? Časni Poslanik s.a.v.s. je rekao da Halifat nikada neće ići onome ko postavlja takav uvjet ili takvom narodu. Ovaj čovjek je postao uzrujan i otišao govoreći da će dovesti konjanike takve vrste koji će, Bože sačuvaj, grubo spriječiti Poslanika. Poslanik je rekao da mu Allah nikada neće dozvoliti da ovo uradi. Ovaj čovjek je otišao sa jednim od svojih drugova koji ga je usput ubijedio da se vrati s planom da ubije Poslanika. Oni su se vratili i Amir ibn Tufai je stajao iza Poslanika dok ga je njegov drug uznemiravao, i izvukao je sablju da počini ovo djelo; međutim, bio je pogođen strahom i nije se mogao pokrenuti. Poslanik se okrenuo unaokolo i vidio sve ovo. Ovoj dvojici je bilo dozvoljeno da odu i oni su otišli. Međutim na putu Amirov drug je bio pogođen munjom i umro je a o njemu se govorilo da je umro od čira. Veliki je broj takvih događaja koji pokazuju kako je Allah pomogao Časnom Poslaniku s.a.v.s Svojom posebnom zaštitom preko meleka. Allah je dao obećanje da će zaštititi Poslanika dok je bio u Meki ali ga je jedanput u Medini, Allah dalje utješio sa:

“... A Allah će te zaštititi od ljudi...” (5:68)

Obećani Mesija a.s. je rekao da je veliko čudo da Časni Poslanik s.a.v.s. nije bio ubijen ni od koga. On je rekao da je zaista u starim skriptama bilo zapisano da Poslanik koji će doći u kasnijem dobu neće biti ubijen bilo od čiji ruku. Huzur je rekao da riječi *'Allahovom naredbom'* u ajetu (13:12) znače da osim toga što je bio pomognut kroz posredovanje meleka, Allah je također učinio da srca vjernika budu naklonjena da za njega učine bilo koju i svaku žrtvu. Ovaj osjećaj žrtvovanja je bio rođen iz vjere koju su oni prihvatili kroz Poslanika. Ponekad se ljudi udružuju s drugima radi neke upornosti ili zbog uzajamnog neprijateljstva ili uzajamnog straha za neki put. Poslanikovi drugovi nisu bili takvi. Njihov osjećaj da zaštite Poslanika bio je zbog vjere koju je Allah stvorio u njihovim srcima i oni su ovo učinili da postignu Božije zadovoljstvo. Allah je napravio aranžman da zaštiti Časnog Poslanika s.a.v.s. više nego bilo koga drugog. Međutim, ovo je također primjenjivo za svaku osobu. Čak ako i nema zarazne bolesti okolo, ljudi udišu mnoge klice iz atmosfere, ali je Allah stvorio odbrambeni sistem u ljudskom tijelu da se ovom odupre. Ponekad Allah, za Svoje posebne prijatelje i za Svoje poslanike kao i za sljedbenike poslanika manifestuje Svoju posebnu zaštitu i čuvanje preko Svojih čuvara.

U sadašnjem dobu opažamo da je Allah pokazao kugu kao znak istinitosti Obećanog Mesije a.s. i učinio je jasnim da će njegovi sljedbenici biti spašeni od toga. Obećani Mesija a.s. je u svojoj knjizi *'Nuhova lađa'* napisao da je s krajnjim poštovanjem želio reći vladi (Britancima) da bi, da nije imao od Boga naređeno ograničenje od vakcinisanja protiv kuge, njegovi ljudi bili prvi među onima koji su se podvrgli vakcinaciji. On je objasnio da je ovo Božije ograničenje bilo što je Allah želio da pokaže znakove Svoje milosti spašavanjem svih njegovih sljedbenika od kuge. Svijet se osvjedočio da su uprkos velike raširenosti ove bolesti u toku perioda od pet do šest godina, Božijom milošću Ahmadi muslimani bili spašeni od toga.

Božija zaštita je to što osposobljava ljude da izdrže tragedije kao što su gubitak imanja, djece i časti. Inače, čovjek može izgubiti osjećaj težinom nekih gubitaka; zbog toga je ovo također način kroz koji Allah štiti ljude. Neki ljudi se ne mogu nositi sa nesrećom ili gubitkom i to ih oštro pogađa. Neki izgube svoje vjerovanje u Boga. Ovi primjeri su za nas tu da cijenimo da ako Božija milost i blagoslovi nisu bili na radu,

čovjekov život se ne bi mogao nastaviti. Kad nesreća zadesi pobožne ljude oni kažu:

“Zaista, mi Allahu pripadamo i Njemu ćemo se vratiti”(2:157)

i kao rezultat ovoga oni prime Božije blagoslove i zaštićeni su protiv zlih efekata svih teškoća i teških situacija. Prema zakonu prirode, svako je uključen u Božiju zaštitu, oni koji vjeruju kao i oni koji ne vjeruju. U ovome je pouka za one koji ne vjeruju da ako nastave da prekoračuju u svom nedjelu, Allah može oduzeti Svoju zaštitu i takva situacija će voditi konačnom uništenju. Allah kaže u ajetu 13:12 :

“Zaista Allah neće promijeniti stanje naroda dok oni ne promijene ono što je u njihovim srcima”, ovo znači da Allah ne mijenja svoj put o pobožnim i oni nastavljaju da budu primaoci Njegovih blagoslova. Sve dotle dok su pobožni i ispunjavaju dužnosti prema Bogu i dužnosti prema ljudima, i dok su pobožni pojedinačno kao i zajednički, oni će biti primaoci Božije milosti.

Božija milost je uklonjena kad ljudi radije nego da Njega učine svojim Prijateljem, oni slijede šejtana. Kao rezultat toga pojave se poroci; i zli, bezbožni putevi su u praksi u tolikoj mjeri da su ljudi ubijani u ime religije. Ovo je vrijeme kad Allah uklanja Svoju zaštitu i utočište. Ovaj dio ajeta ne znači jednostavno da Allah ne tretira dobro one koji čine zlo. Nego da zapravo Allah ne mijenja svoje načina prema pobožnim, ukoliko oni sebe ne liše Njegovih blagoslova činjenjem bezbožnih djela. Historija, kad se gleda sa religijskom perspektivom jasna je o ovome: Časni Kur'an proglašava da Božije utočište i zaštita također budu ukolonjeni kad se pojave zla. Nije da jednostavnim izgovaranjem *Kelime* (proglas vjere) osoba dolazi u trajnu sferu Božije posebne zaštite. Stvarni uvjet je da poslije vjerovanja praktikujemo dobra djela. Ovo je predmet za razmišljanje za muslimanski ummet, pogotovu one zemlje gdje proganjanje raste. Slijedeća stvar koju ovaj ajet spominje je nešto nad čim Pakistan pogotovo treba da se zamisli i nad čim treba da traži oprost: *“A kad Allah želi da kazni jedan narod, nema odvrćanja toga...”* Ono što je potrebno je reforma prije nego što dođe Božija konačna presuda. Kad bi samo ljudi ove zemlje (Pakistana) imali čulo da ovo razumiju!

Obećani Mesija a.s. je rekao da je prva obaveza onoga ko želi da bude oslobođen teškog jada i nesreće je da napravi pobožne promjene

u sebi. Kad je ovo postignuto slijede Božiji blagoslovi u skladu s Njegovim obećanjem. Huzur je rekao da je strašna potreba da se zamislimo nad ovim kao i da tražimo Božiji oprost i Ahmadi muslimani treba da nastoje i da učine da muslimani u njihovom krugu razumiju u pogledu ovoga. Spomenuti ajet zaključuje: “... niti oni imaju ikakvog pomagača mimo Njega.” Tako, ako nema niko drugi osim Boga Koji nam može pomoći, Koji nas može čuvati protiv zla, onda, Njega trebamo tražiti. Ako, uprkos obavljanja namaza i posta i desetina hiljada koji obavljaju hadž nema nikakvih znakova popravljanja i tu je nacionalni slom, onda negdje sigurno nešto nedostaje u svom ovom ibadetu. Da Allah učini da Ummet ovo shvati i da se iskreno okrenu Njemu.

Allah opisuje ovaj predmet u suri Al Anfal:

“Ovo je zato što Allah ne bi nikada promijenio blagodat koju je podario nekom narodu dok oni ne promijene svoje stanje, i (znaj) da Allah sve čuje (i) ima trajno znanje.” (8:54)

Allah ne otme natrag bilo koji od Svojih blagoslova, nego čovjek gubi blagoslove kroz svoju vlastitu odvratnost i nesreću. Kur'an ne iznosi tek događaje iz prošlosti, nego je to također velika pouka za muslimane da budu budni i da cijene ogromni blagoslov koji im je bio dat. Allah kaže u Kur'anu: “... upotpunio sam Svoju blagodat prema vama...” (5:4). Ova naklonost i ovaj blagoslov nam je bio dat u formi Časnog Kur'ana i nama je naređeno da ova učenja stavimo u praksu. Ako ovo budemo slijedili, samo onda možemo utemeljiti pobožnost, i kao što je rečeno, Allah će nas uzeti u Svoju zaštitu i manifestovat će da je On naš *Maula* (Zaštitnik).

Zar muslimani ne shvataju zašto su bili lišeni blagoslova vezanih za ljude o kojima Kur'an kaže: “*Vi ste najbolji ummet izveden za dobrobit čovječanstva...*” (3:111)? Oni su zaista lišeni toga jer ubijaju jedan drugog. Prije nekoliko dana bila je bomba u Pešavaru koja je aktivirana daljinskim upravljačem. Onda, tu su samoubilačke bombe i ubijanje Ahmadi muslimana i drugih u ime religije. Kakva vrsta *hajra* (dobra) je ovo? Ovo je naredba nad kojom je potrebno duboko ozbiljno razmišljanje, potrebno je popraviti ove puteve, inače kad Božija konačna odredba stupi na djelovanje, niko je ne može odvratiti.

Ponašanje drugih je glavni povod popravljanja, i zaista to treba biti tako. Ahmadi muslimani treba također da nastave da se zamišljaju nad

sobom i preispituju se jesu li na ispravnom putu; treba da drže oko na svojim praksama i uvijek budu zahvalni Bogu za Njegove blagoslove. Ako ovo bude održavano, onda će u skladu sa Božijim obećanjem, On biti naš Zaštitnik i Pomagač. Niko ne može oštetiti našu Zajednicu. Allah kaže:

“... Zato, obavljajte namaz i dajite zekat, i čvrsto se držite Allaha. On je vaš Gospodar. Kako dobar Gospodar i kako dobar Pomagač!”
(22:79)

Obavezujuće je za istinske vjernike da obavljaju namaz i kroz to naprave pobožne promjene u sebi, očiste svoj imetak trošenjem nekog njegovog dijela na Božijem putu i da se čvrsto drže svih Božijih naredbi. Samo onda može biti potkrijepljeno i dokazano da vjerujemo u Boga kao svog Gospodara i Zaštitnika.

U suri Al Maida rečeno je:

“Vaš prijatelj je jedino Allah i Njegov poslanik i vjernici koji obavljaju namaz i daju zekat saginjući se (jedino pred Bogom). A oni koji za prijatelje uzimaju Allaha i Njegovog Poslanika, i one koji vjeruju u njega – ovo je Allahova skupina koja sigurno pobjeđuje” (5:56-57)

Ovdje, 'saginju se jedino Bogu' označava one koji imaju iskrenu i potpunu vjeru jedino u Boga i njihovo vjerovanje je oslobođeno od bilo kakvog kvarenja. Oni su tijelo ljudi koji će trijumfovati, koji su prijatelji Bogu i Allah je njihov Prijatelj.

U hadisu Qudsi Allah kaže: *'Ko god bude posvojio neprijateljstvo prema Mom prijatelju, ja ću proglasiti rat protiv njega. Ja volim da Moj rob postigne blizinu Meni kroz ono što je za njega obavezujuće. Moj rob neprestalno Meni prilazi kroz činjenje još više od dužnih djela obožavanja dok ga Ja ne zavolim, i kad ga Ja zavolim, Ja postajem njegove oči s kojima vidi, njegove ruke s kojima drži, i njegove noge s kojima ide. Ako on nešto traži od Mene, Ja ću to sigurno podariti i ako on želi Moje utočište Ja ću mu sigurno podariti Svoje utočište. Ja nikada ne oklijevam u bilo čemu kao u tome da uzmem život vjernika. On ne voli smrt i Ja ne volim da mu zadajem teškoću.'* Takav je Božiji brižan i obziran stav prema vjernicima.

Ako osoba stavi u praksu sve naredbe sa potpunom iskrenošću, Allah postaje *Maula*. Da Allah učini tako da slijedimo pobožnost i ostanemo povezani s našim istinskim *Maula* tako da primimo Njegovu pomoć i potporu na svakom koraku ovog puta.

Hudba 6. novembra 2009.

**Opis kur'anskog termina 'Haira ummah'
(najbolji narod)**

Kratki sadržaj hudbe koju je 6. novembra 2009. održao Hazreti Mirza Masroor Ahmad Halifatul Masih V Ahmadija muslimanske zajednice

(Napomena: Naš tim 'Alislam' preuzima punu odgovornost za bilo kakve greške ili nerazumijevanje u kratkom sadržaju ove hudbe)

Citirajući ajet 111 iz sure Al Imran, Huzur je u svojoj današnjoj hudbi petkom dao izlaganje o opisu kur'anskog termina 'Haira ummah' (najbolji narod). Prijevod ovog ajeta glasi:

“Vi ste najbolji ummet izveden za dobrobit čovječanstva; vi naređujete dobra djela i zaustavljate zlo i vjerujete u Allaha. A kad bi sljedbenici Knjige vjerovali, to bi bilo bolje za njih. Među njima su vjernici, ali većina njih su neposlušni.” (3:111)

Huzur je rekao da ovaj ajet skreće pažnju na značenje i ciljeve toga što smo muslimani. Nema sumnje da je poslije vjerovanja u Časnog Poslanika s.a.v.s. i u zadnji potpuni Šerijat o kojem je Allah proglasio da: *'Zaista smo Mi objavili ovu opomenu i zaista ćemo je Mi čuvati.'* (15:10), najznačajnije biti musliman. Do danas smo svjedoci da se ovo Božije obećanje ispunilo s punim sjajem. Jedino islam ima ovu posebnu čast i do Sudnjeg dana će samo islam biti taj koji će zadržati ovu čast. Istinski vjernik treba da se zamisli je li dovoljno jednostavno imati osjećaj ponosa nad ovim Božijim proglašenjem kao i nad tim šta je tačno uloga muslimana u ovom zadnjem i konačnom Šerijatu? Ako je Allah proglasio muslimanski ummet kao 'Haira ummah' šta je bio doprinos (sudjelovanje) ummeta u ovom povjerenju? Allah očekuje i zaista naređuje vjerniku da poslije vjerovanja čini dobra djela. On određuje određene dužnosti. Prvi dio ajeta (3:111) kazuje ove odgovornosti i povezuje ispunjavanje ovih obaveza sa tim što smo 'Haira ummah'. Huzur je objasnio da dužnost da služimo ne traži da služimo bilo koji poseban narod ili tijelo ljudi; to je za cijelo čovječanstvo.

Historija je svjedok da su muslimani za prvih nekoliko stoljeća (islama) dokazali svijetu da su *'Haira ummah.'* Oni su neprestalno vladali ljudima svih religija, njihova vladavina je bila čvrsto na pravdi i oni su širili svjetlo znanja svuda širom svijeta. Oni su promovisali dobro i činili napor da istrijebe zlo. Oni su učinili sve što su mogli za dobro čovječanstva. Kasnije su materijalistički ljudi sa drugim skrivenim motivima prodrijeli unutar ummeta i uprkos Božijeg obećanja o čuvanju učenja Kur'ana, ovi ljudi su napustili dobro i također uticali na ogroman dio ljudi, lišavajući svijetu da budu *'Haira ummah.'* Božije obećanje da će čuvati Časni Kur'an nije bilo obećanje da će tek sačuvati događaje koji su u njemu navedeni; zapravo je to obećanje bilo da će on proizvesti ljude koji će staviti njegova učenja u praksu. Kroz njihovu praksu će biti oživljena slava islama, poruka islama će biti upućena do krajeva svijeta i odigrat će se nepristrano služenje čovječanstva općenito. Za ovu svrhu je Allah, prema Svom obećanju poslao revnog poklonika Časnog Poslanika s.a.vs., to jest Obećanog Mesiju a.s., koji je doveo natrag vjeru islam sa udaljenog stanja i još jednom je ponovo odlika muslimana da su *žHaira ummah'* bila s dikom utemeljena.

Danas, Zajednica Obećanog Mesije a.s. je ta koja drži ovu odliku. Nema sumnje da ima drugih muslimana koji čine dobra djela i mora da također ima onih koji zabranjuju ono što je zlo. Međutim, ljudi ne mogu biti kolektivno smatrani takvim ukoliko se ne okupe u jedno. Muslimanske zemlje imaju svoje vjerske učenjake i svoje vođe koji slijede svoje puteve. Koliko muslimanskih zemalja se skupe zajedno da šire poruku islama? Ko ima vremena da širi krasnu poruku islama u svijetu? Huzur je rekao da se prije nekoliko dana dogodilo da na TV-u na muslimanskom kanalu vidi kraj diskusije između sunni i šija učenjaka. Oni su obojica bili u saglasnosti u svojoj tački gledišta o Obećanom Mesiji a.s.. Međutim, da je sunni učenjak predstavio svoju vjeru, šija učenjak bi ga korio i obratno. Ovo predstavljanje je definitivno imalo za cilj da prenese zlonamjernost o nama ali oni su upleteni (i zavađeni) u svoje vlastite zabune i predstavili su strašan primjer. Takvi primjeri provociraju jednostavnog muslimana - koji je samo zainteresiran za veličanstvenost islama - u razmišljanje ko je taj ko je uključen u termin *'Haira ummah'*? Rješenje za ovo je u onome šta je Časni Poslanik s.a.v.s. objasnio. On je rekao da će Allah, kad se pojavi zbunjujuća situacija, poslati Obećanog Mesiju a.s.; prihvatite ga. Idite da ga vidite čak ako treba da pužete na koljenima kroz ledenjake. Idite da ga vidite i uručite

mu moje selame. Jedini on će dokazati superiornost islama nad drugim religijama svijeta. Huzur je rekao da, dok je ovo nešto nad čim ljudi izvan naše Zajednice stvarno treba da se duboko zamisle i da razmisle o tome, to također stavlja veliku odgovornost na nas da iskažemo počast da smo *'Haira ummah'*. Obećanom Mesiji a.s. je bilo naređeno od Boga da okupi čovječanstvo na ovoj religiji.

Sada nikakva religija više neće doći. Imam ovog doba je došao u savršenoj potčinjenosti i pokornosti Časnom Poslaniku islama s.a.v.s. On je bio poslan od Boga da podijeli pravdu i jedini on je precizno objasnio i protumačio Časni Kur'an. Samo se oni komentari iz svih djela i svi komentari svih muslimanskih pravnika i reformatora prošlih trinaest stotina godina mogu smatrati ispravnim koje je on potvrdio; *Khatamtul Hulafa* (pečat svih halifa). Obećani Mesija a.s. je do svih svojih odluka dolazio Božijom naredbom i prema tome ne treba više biti bilo kakve zabune o nekoj stvari pravosuđa itd. Religija koju je on poučavao je bila religija Časnog Poslanika s.a.v.s. i sada je život cijelog muslimanskog ummeta u okupljanju na njegovoj ruci. Ahmadi muslimani su *'Haira ummah'* odlikom okupljanja na jednoj ruci.

Huzur je rekao da je, s ciljem da postignemo visoke ciljeve potrebno žrtvovanje a novčana žrtva je dio ovoga. U islamu je isticano čišćenje imetka. Rečeno je:

“One koji, ako ih Mi učvrstimo na Zemlji, obavljaju namaz i daju zekat i naređuju dobro, a zabranjuju zlo. A kod Allaha je kraj svih stvari.” (22:42)

Ovaj ajet spominje da su ovi ljudi koji su počašćeni na zemlji, i poštovani - duhovno zaštićeni. Ako ovaj ajet čitamo zajedno sa ajetom 24:56 ili Ayat e Istakhlaf, vidimo da je Allah (u 24:56) obećao utemeljiti halifat među onim ljudima koji vjeruju i čine dobra djela, dok On ovdje navodi čašćenje/utemeljenje onih koji klanjaju i daju zekat, naređuju dobro i zabranjuju zlo. Na prvom mjestu je radosna vijest za Ahmadi muslimane da oni primaju počast odlikom svog bai'ata i sistema halifata i ovo je to što ih čini *'Haira ummah'*. Gornji ajet vrlo lijepo opisuje uvjete za ovo. Ako su Ahmadi spremni da ispune ove obaveze sa iskrenošću srca i uma, onda će im Allah podariti sposobnost i moć. Historijski je dokazano da je ovo Božiji put. Kad su muslimani napustili svoje dužnosti također su bili lišeni dobrotvornosti - kao što ovaj ajet pokazuje:

“... Zaista Allah ne mijenja stanje jednog naroda dok oni ne promijene ono što je u njihovim srcima...” (13:12)

Nazivanjem muslimana *'Haira ummah'* stavljena je kolektivna odgovornost na njih da rade zajedno. Svaka osoba ne može imati potrebno znanje; neki imaju druga zauzeća zbog kojih ne mogu dati toliko vremena religijskim stvarima koliko bi htjeli. Prilično je teško za svakoga da lično učestvuje u programima da promovišu dobro i upute poruku islama drugima. Tako je uvijek bilo i možda je u ovo doba još više značajno da su potrebni fondovi da omoguće ove zadatke. Oni koji ne mogu učestvovati u ovim programima mogu dati doprinose kroz novčano davanje. Tako su planovi bili provedeni u doba Božijih poslanika i poslije njih u doba njihovih nasljednika ili halifa. U toku Halifat-e Rašida (ispravno upućenih halifa) muslimani su slijedili mnoge programe novčanog davanja. Ovu praksu su također slijedili drugi muslimani. U doba Obećanog Meisje a.s. ovi programi su se nastavili, i poslije njega u toku perioda svakog halife Zajednica je pravila ogromne novčane žrtve. Ova praksa će se nastaviti do Sudnjeg dana. Neki misle da će u neko vrijeme Zajednica imati dovoljno fondova i neće biti zahtjeva (potrebe) za članarinama. Ovo nije ispravno. Allah je u Časnom Kur'anu objasnio da je davanje način da se očisti imetak kao i da očistimo sebe.

Tahriqe džadid je jedno od novčanih programa Zajednice Obećanog Meisje a.s.. On je bio uveden od hazreti Musleh Mauda r.a. (2. halifa) s glavnim ciljem širenja poruke islama izvan Indije i donio je krajnje izvanredne rezultate. Danas je Zajednica ili osnovana ili cvjeta u 193 zemlje svijeta. Ahmadi muslimani u 193 zemlje doživljavaju blagoslov što su jedan ummet. Novčano davanje je bitni (sastavni) dio Zajednice gdje god je u svijetu osnovana. Tempo ovog davanja je vrlo brz u nekim zemljama i spor u drugim ali je davanje u porastu. Prije nekoliko godina je islamski fakultet bio osnovan samo u Rabvi i svake godine se upisivalo 35 novih studenata. Pošto su sada vakf djeca (djeca koja su obećali da će oni služiti Islam čitav svoj život) dostigla te godine, upis na fakultet u Rabvi je porastao na 200 studenata. Ovo naravno za sobom povlači povećane troškove. Pakistanski džemat sam snosi ove troškove. Slično, fakulteti u VB, Kanadi i Indoneziji snose svoje troškove. Međutim, u zemljama kao što je Bangladeš, Kenija i Gana, Cenatar mora pomoći s troškovima ovih fakulteta. Centar također pomaže s gradnjom džamija

u nerazvijenim zemljama. Tahrike džadid igra centralnu ulogu u slanju misionara širom svijeta. Tako bilo ko, ko daje doprinose za Tahrike džadid može reći da su među onima koji čine dobro i zabranjuju zlo. U dodatku ovome, nije pretjerano reći da ponizni doprinosi jednog pojedinca u VB, ili Njemačkoj, USA, Kanadi, Australiji ili bilo gdje u Evropi, može postati izvor za obuku neke sretne osobe u udaljenom dijelu Afrike.

Huzur je najavio početak nove godine za Tahrike džadid. On je rekao da je srce vjernika ispunjeno veličanjem i zahvalnošću Božijom da je - iako je prošla godina bila strašna u terminima ekonomskih kriza, kad su mnogi biznisi propali, mnogi ljudi su izgubili zaposlenje, inflacija je preuzela maha, kao rezultat su kućni troškovi porasli - s ovosvjetske tačke gledišta doprinos Tahrike džadid trebao biti negativan. Međutim, Zajednica Obećanog Mesije a.s. je pokazala da je *'Haira ummah'*. To puni čovjekovo srce Božijom hvalom, Čiji su blagoslovi na nama beskrajni. Tahrike džadid navršava svojih 75 godina i Božijom milošću ovogodišnji doprinosi su iznosili 4.953.800,00 funti što je porast od 850,000 od prošlogodišnjeg zbira. Ovo godine je ponovo Pakistan, uprkos siromaštva prvi u davanju najvećih doprinosa, druga je USA, onda Njemačka, VB, Kanada, Indonezija, Indija, Australija, Belgija i Švicarska. Huzur je objasnio da je razlika između doprinosa VB i Njemačke vrlo mala, samo 1,500 funti. Huzur je rekao da je mislio da će VB ponovo uzeti treće mjesto ali je Njemačka radila vrlo naporno. U terminima lokalne valute Indija je napravila najveći skok u prošlogodišnjem doprinosu, Njemačka je također napravila veliki skok. Broj novih doprinosa za Tahrike džadid ove godine je 90,000. Najveći porast u doprinosima je bio u Indiji. U Pakistanu prva tri velika doprinosa su iz džemata u Lahoru, Rabvi i Karačiju. U USA prva četiri Majlisa su: Silicon Valey, Los Anđeles West, Detroit i Čikago West. U USA se 80% djece ispod pet godina pridružilo Tahrike džadid programu. Na vrhu liste u Kanadi su: Kalgari sjevero-zapad, Peace village East, Peace village Centre, Surrey East i Vankuver. U VB prvi majlisi su: Londonska džamija, Surbiton, Kembridž, Džillingham, New Morden, Birmingham West, Worcester Park, Purley, S.E. London i Oksford.

Huzur je rekao da, kad je (nedavnih godina) Zajednica bila naklonjena prema programu Oporuke neki su mislili da će drugi doprinosi biti pogođeni. Elhamdulillah, to se dokazalo pogrešnim. Čovjek je ispunjen Božijom hvalom, i privučen je činjenici da će Allah proširiti naše zadatke

i zbog toga nas naklanja prema daljoj novčanoj žrtvi. Naši zadaci će se povećati. Uprkos svjetske ekonomske krize, mi ćemo nastaviti ispunjavati svoje obaveze i Allah će nastaviti da povećava naše mogućnosti. Da Allah dadne da povećamo svoju vjeru, da povećamo svoje davanje, da se korak našeg napretka poveća i da doživimo pobjedu. Hazreti Musleh Maud r.a. je Tahrike džadid nazvao temeljom Oporuke. Danas su naša djeca pripremljena za novčano davanje i za program Oporuke doprinoseći za Tahrike džadid. Ekonomisti smatraju da su ekonomske krize početak bjesomučnog vrtloga oskudice. Međutim, za 'Haira ummah' tu je porast novčanog davanja uprkos ekonomskih kriza i naš Milostivi Bog nas tako obavija u Svoju milost. Sve dotle dok nastavljamo da žudimo da napredujemo u pobožnosti bit ćemo 'Haira ummah'. Osoba koja daje obični doprinos i dijete koje daje svoje fenige bit će uključeni u ovaj blagoslov. Da Allah čuva ovaj duh žrtvovanja živim u nama i našoj budućoj generaciji, i da nastavimo da budemo primaoci Njegovih blagoslova.

Hudba 13. novembra 2009.

Allahovi prijatelji

Kratki sadržaj hudbe koju je 13. novembra 2009. održao Hazreti Mirza Masroor Ahmad Halifatul Masih V Ahmadija muslimanske zajednice

(Napomena: Naš tim 'Alislam' preuzima punu odgovornost za bilo kakve greške ili nerazumijevanje u kratkom sadržaju ove hudbe)

Nakon učenja sure Al Fatiha, Huzur a.t. je proučio slijedeće ajete:

“Slušajte! Zaista, Allahovi prijatelji neće imati straha, i neće tugovati – oni koji su vjerovali i postupali bogobožno. Za njih su radosne vijesti u ovom životu i na ahiretu – nema mijenjanja Allahovih riječi; ovo je zaista veliki uspjeh.” (10:63-65)

Huzur a.t. je cijelu hudbu bazirao na tumačenju ovih ajeta koji osvjetljavaju karakteristike *Vali* (prijatelja Allahovih). Huzur je rekao

da za *Evlia* (množina od *Vali*) zajamčeno da oni neće imati razloga za strah ili žalost sve dotle dok nastavljaju da napreduju u svom vjerovanju u Boga u *takvi* (bogobožnosti), i za takve vjernike je obećanje da će Allah Lično postati njihov prijatelj, i oni su primaoci Božijih blagoslova na ovom svijetu i na ahiretu. Huzur a.t. je dalje obrazložio da je istinski vjernik onaj ko ostaje ustrajan u svom vjerovanju čak i ako trpi svjetski gubitak zato što ima čvrstu vjeru u nagrade koje će ubrati na budućem svijetu, obećane od Boga. Ali prvi i najistaknutiji preduvjet da čovjek postane vrijedan ovog obećanja je da mora ispuniti obaveze da bi postao Allahov prijatelj. Često vidimo da neko nudi jako mnogo na putu naših svjetskih prijatelja, no s ciljem da postane Božiji prijatelj, osoba mora biti spremna da slijedi Njegove naredbe i da živi svoj život u stanju straha da ne izgubi Božije zadovoljstvo. Zaista nije lahko postići položaj *Vali*. Huzur a.t. je onda proučio slijedeće ajete:

“U Naše znakove vjeruju samo oni koji, kad se ovim (ajetima) savjetuju, padaju čineći sedždu i veličaju Gospodara svoga zahvaljujući Mu se, i ne ohole se. Njihovi bokovi se odvajaju od postelja; (i) oni pozivaju Gospodara svoga u strahu i nadi, i troše od onog što smo im Mi dali.” (32: 16-17)

Ovi ajeti nas ponovo podsjećaju o onim vjernicima koji ispunjavaju prava prema svom Stvaraocu s ciljem da postignu Njegovu blizinu. Kad Allah takve ljude učini Svojim prijateljima, On oprašta njihove grijehe, i oni postanu slobodni od grijeha (prošlih i budućih). Allah nam pokazuje ovaj put prijateljstva s Njim koji je krasan odnos da ga imamo, a ipak je čovjek u određenim slučajevima nezahvalan i posvaja put neposlušnosti i nijekanja Božijeg postojanja, rezultat čega je da on postaje određen za Džehennem.

Obećani Mesija a.s. je rekao da je Allah Neovisan i Davalac svega; On ne treba nikoga da bude prijatelj s njim. Čovjek je taj ko se okoristi iz ovog prijateljstva s Allahom - kakav prijatelj da Ga imamo, Onaj Koji nikada ne napušta Svog miljenika na ovom svijetu ili na budućem i Koji oprašta njegove nedostatke (mahane).

“I reci: ‘Sva hvala pripada Allahu koji nikad nije uzео sina, i u čijem kraljevstvu niko nije partner bio, Njemu nikad nije potrebno da ima druga koji bi bio Njegov pomagač u stanju slabosti.’ I ti, mnogo hvaleći, veličaj Njegovu veličanstvenost.” (17:112)

Treba da učinimo svaki napor da očistimo svoje srce, tako da kad Allah pogleda u njega, da tamo ne bude čak ni truna grijeha. Na ovom putu čišćenja svoje duše, čovjek će se sučiti sa mnogim uspjesima u svijetu i morat će do kraja voditi dobar život.

Huzur a.t. je onda predstavio hadis da će na Sudnjem danu biti tri grupe *Evlija* (Allahovih prijatelja). Allah će pitati vođe svake od ovih grupa zašto su na svijetu obavljali ispravna djela. Jedan osoba će u ime prve grupe reći da su to činili da steknu obećani Džennet. Allah će onda voditi ovu grupu u Džennet, dajući im Svoju blagonaklonost. Vođa druge grupe će reći da su tako činili da se spase od Vatre Džehennema. Allah će ih onda uvesti u Džennet, dajući im također Svoje naklonosti. Vođa treće grupe će reći da su tako činili da postignu Allahovu ljubav i da steknu Njegovu blizinu. Allah će onda ukloniti sve barijere između Sebe i ove grupe, i vodit će ih u Džennet; meleki će biti s njima i oni će biti najbliži Bogu. Vođa ove treće grupe će zaista biti najbolji od svih ljudskih bića, najbolji među *Evlija* – hazreti Muhammed Mustafa s.a.v.s. Ono što je Poslanik do svoje smrti najviše želio bila je Allahova ljubav. On je zaista najizvanredniji primjer apsolutne vjere u Allaha i najbolji među svim bogobožaznim ljudima.

U drugom hadisu navedeno je da osoba ne može postići blizinu Svemogućem Bogu dok ne voli nekoga radi Njega. Huzur a.t. je također predstavio drugi hadis od Ebu Hurejre r.a.: Allahov Vjerovjensik s.a.v.s. je rekao: *'Zaista, Allah voli tri stvari za vas i ne voli tri stvari. On voli da vi samo Njega obožavate, da ne pripisujete ništa s Njim (u obožavanju) i da se čvrsto držite Allahovog Užeta i ne budete podijeljeni među sobom; a On ne voli za vas beskoristan govor, ustrajno ispitivanje i rasipanje imetka.'* (Sahih Muslim)

Huzur a.t. je predstavio drugi hadis od hazreti Omera Bin Khattaba koji govori o ljubavi ljudi jednog prema drugom radi nagrade sticanja Allahovih naklonosti. Ovo su ljudi koji neće imati straha, niti će se žalostiti, i njihova bogobožazna djela će biti da postignu Božije zadovoljstvo i Božiji poslanici će zaviditi njihovom odnosu s Bogom. Svrha dolaska poslanika je da donesu revoluciju u duhovnim životima ljudi, i odatle je najviši položaj *Evlija* rezervisan za poslanike, a najviši od njih je Časni Poslanik s.a.v.s. U sadašnje vrijeme, Božiji prijatelji su oni koji su iz ummeta Časnog Poslanika islama, i oni koji vjeruju u Obećanog Mesiju kasnijeg doba, jer on je onaj koji će ujediniti sve

vjernike na jednoj ruci i uklonit će razlike među njima. Ahmadi muslimani skupa sa ne-Ahmadi treba da se zamisle nad ovim i samo će im ljubav jednog prema drugom, pokornost upravi Džemata, veza sa Halifatom ubrati nagrade svijeta i ahireta. Kroz ovaj put osoba može postići svrhu svog stvaranja. Huzur a.t. je pročitao isječak iz pisanja Obećanog Mesije a.s. o duhovnom napretku čovjeka na ovom svijetu i na ahiretu. Kad neko stupi na ovaj pravac, onda Allah pomaže takvu osobu da dostigne visine u svom traženju Božije ljubavi i mudrosti.

Da nas Svemogućí Allah osposobi da postignemo ovaj položaj i da steknemo Njegovo prijateljstvo. Da nam On oprostí naše grijehé i prekrije ih sjenkom Svoje neograničene milosti. Amin.

Hudba 20. novembra 2009.

Allahovi prijatelji

Kratki sadržaj hudbe koju je 20. novembra 2009. održao Hazreti Mirza Masroor Ahmad Halifatul Masih V Ahmadija muslimanske zajednice

(Napomena: Naš tim 'Alislam' preuzima punu odgovornost za bilo kakve greške ili nerazumijevanje u kratkom sadržaju ove hudbe)

Huzur je proučio ajet 42 iz sure Al Ankabut, čiji prijevod glasi ovako:

“Oni koji za zaštitnike uzimaju nekoga mimo Allaha slični su pauku; on pravi jednu kuću; a sigurno je kuća pauka najslabija od svih kuća, da oni samo znaju!” (29:42)

Huzur je rekao da kao što je jasno iz ovog ajeta, on govori o onim nesretnim ljudima koji, nakon što su napustili prag i prijateljstvo Božije tragaju za drugim pomoćima. Oni vide prolaznu korist a ne osvrću se na stalnu korist. Svjetski položaji i sredstva ih čine da napuste Božije zadovoljstvo. Radije nego da postanu prijatelji Bogu oni druge prave prijateljima osim Njega. Radije nego da dođu u utočište Božije snažne

odbrane oni smatraju paukovu mrežu svojom odbranom. Ajeti koji prethode gornjem ajetu citiraju Karuna i Ada, Samuda i Luta, i kako su oni zaboravili Boga i svjetovnost je postalo njihov cilj. Zaista, imetak ili visoke građevine bilo koje nacije nisu bile od koristi kad se dogodila Božija odredba. Časni Kur'an spominje na mnogim mjestima kako su raniji narodi bili uništeni zato što su radije nego da uzmu utočište kod Boga oni tražili privremena skloništa. Mi smo kroz ovo upozoreni da vjerovanje nije dovoljno nego da osoba treba da traži Božije prijateljstvo i da iskaže počast dužnosti prijateljstva s Bogom.

U prošlosti, imetak Karuna nije spasilo nikoga ko je bio s njim povezan, i slično tome, bogatstvo bilo koga ko ide protiv Božije volje ne može ih spasiti od Božije kazne. Karunov imetak nije zadovoljio ničiju glad i Faraon također nije mogao spasiti bilo koga, niko im nije mogao pomoći jer utočište koje su oni tražili nije imalo veće važnosti nego paukova mreža. Danas svijet žudi za imetkom imućnih ili se dodvorava imućnim. Nerazvijene vlade puzaju pred razvijenim vladama za pomoć i pretpostavljaju da njihovo trajanje leži u tome da se ponize pred moćnim nacijama. Sebične vođe stvaljaju na rizik nacionalni interes. Ovo je postalo očito izlaganjem unutrašnjih poslova nekih zemalja. Vođe muslimanskih nacija su krajnje nepotrebno dali u zalog (stavili na kocku) svoje zemlje zbog razloga što njihovo vjerovanje u Boga nije bilo potpuno.

Niko ne može odvratiti Božiju odredbu. Priče o Faraonu, Korahu itd, nisu spomenute u Časnom Kur'anu da jednostavno za nas omuguće historijsku pouku, one su zapravo za vjernike da obrate pažnju na svoje vlastito duhovno stanje i napredak u vjeri. Bog kaže o Karun:

“Onda je zemlja progutala i njega i kuću njegovu; i on nije imao nikakve skupine da mu pomogne protiv Allaha, niti je bio među onima koji bise osvetili.” (28:82)

Huzur je objasnio da kad ljudi traže potporu kroz imetak drugih oni zaboravljaju Boga. Ekonomske krize prošle godine su cijelom svijetu dale lagan udarac. To je nazvano kreditnim krahom i uprkos datih izjava o znakovima stabilnosti svijet nije izašao iz toga. Efekti se još pokazuju i nezaposlenost je raširena i ljudi svaki dan gube poslove i prisutan je strah u ulaganje kapitala.

Slično, ljudi su skloni da idu za potporom svjetske moći. Časni Kur'an daje primjer Faraona u pogledu krajnje beskorisnosti svjetske moći. Kad

je došao njegov kraj, ni njegovo kraljevstvo nije bilo sačuvano, niti ga je moglo spasiti njegovo busanje o božanstvu. Bio je momenat u životu Faraona kad ga je njegovo samoljublje navelo da kaže svom glavnom ministru:

“... zato mi peci (opeke) od blata, o Haman, i napravi mi jednu palaču da pogledam Boga Musaova, i zaista smatram da je on od lažova.” (28:39)

Međutim, kad je došao njegov kraj, ovo je šta ga je Allah prinudio da izgovori:

“A kad je njega stiglo davljenje, on je rekao: ‘Ja vjerujem da nema boga osim Njega, u kojeg djeca Israila vjeruju, i ja sam od onih koji se pokoravaju (Njemu).’” (10:91)

Tako, od momenta gdje je oholo predlagao da se popne na toranj da pogleda na Boga Musaova on je došao do momenta gdje se utapao i izgovorio je da vjeruje u Boga Israilićana. Huzur je rekao značajno je da on u vrijeme svog kraja nije zvao Boga nego Boga Musaova. Musa a.s. je bio odgajan u njegovoj kući i zato je smatran plemenitim, zato zvati Boga, Boga Musaova ne bi imalo istu suoznaku. Allah ga je prinudio da kaže: ‘Boga djece Israila’, to jest ljudi za koje on nije imao ništa osim prezira zato da objasni njegovo poniženje i potpunu bespomoćnost u tom momentu.

Danas je stanje svjetske potpore isto u Božijim očima. Međutim, ljudi i dalje ne shvataju. Ne samo s kraljevskim ličnostima, ako neko bude imao vezu sa članom parlamenta, oni počnu na druge gledati s omalovažavanjem. Huzur je rekao da je ovo vrlo uobičajeno u zemljama koje su nazvane ‘zemlje u razvoju’. Huzur je dodao da iako se tamo nije dogodio nikakav razvoj no ovo je kako se na njih poziva. Ovaj fenomen je prešao sve granice u Pakistanu. Prekršitelji ne shvataju da je stvarno kraljevstvo Božije kraljevstvo i kad Njegova odredba stupi na djelovanje, veliki ljudi nalik Faraonu se moraju suočiti s tim. Istinski strah od Boga je ono što treba da ustrajava čak kad je neko na vlasti inače sve je to bujica riječi. Ona su tu oni koji samo uzimaju Božije ime u ritualističnom smislu. Ovo su ljudi koji žive u paukovoju mreži. Njihova vjera je u njihovom imetku, njihovim vezama, njihovom strančarstvu i njihovoj klapi. Oni ne shvataju da će veće moći biti najprevrtljivije kad su njihovi interesi zadovoljeni i jedino Biće koje je iskreno je samo Biće Božije.

Allah je ponavljajući naredio muslimanima da posvoje bogobožnost i uzmu Boga za svoj štitnik i da uvijek vode računa da je jedino Njegovo Biće vječno. Naravno važno je da planiramo i pravimo aranžmane, da se koristimo od svojih veza. To je bitno za trajnost društva da čuva društvene kontakte, da traži pomoć, da daje pomoć sve u skladu Božijih pravila. No istinski vjernik nikada ne smije zamisliti da su očito paniranje i aranžmani sve. Nasuprot, ako Božija potpora nije tu, očiti aranžman ne može ni truna pomoći. Allah nas je poučio obuhvatnoj dovi na smaom početku Časnog Kur'ana:

“Mi jedino Tebe obožavamo i jedino od Tebe pomoć tražimo” (1:5)

znači da nas jedini On može osposobiti da Ga obožavamo i jedini On može ispuniti naše potrebe. Takav je značaj ove dove da je obavezujuće da je ponavljamo nekoliko puta u dnevnim namazima. Huzur je rekao da u vrijeme potrebe mi treba da se prije svega obratimo Bogu a onda da pravimo aranžmane.

Duhovnost i bogobožnost su vrlo važni za vjernike. Citirajući primjer paukove mreže, Allah je objasnio da verbalno ispovjedanje vjere nije dovoljno. Ovo ne uzrokuje čovjekov spas. Radije, spas dolazi s Božijom milošću i stavljanjem Njegovih učenja u praksu. Allah je poslao religiju radi stvaranja tog duha. Temeljna pouka religije je da napravi vezu s Bogom. Imajući ovaj cilj, zadatak je iskrene osobe da traga za Bogom i stavi Njegove naredbe u praksu. Ovo je razlog zbog kojeg su došli Božiji poslanici i ovo je zaista bio cilj dolaska Obećanog Mesije a.s. On je rekao da je bio poslan tako da sa strpljenjem, uljudnošću i nježnošću privuče Bogu izgubljene ljude, i da ljudima pokaže put kroz duhovno svjetlo koje je njemu bilo dato. On je napisao: *'Ja sam bio poslan da ojačam vjeru i da dokažem postojanje Svemogućeg Boga ljudima, jer je njihova vjera postala slaba, i oni život poslije smrti ne uzimaju ništa ozbiljnije nego bajku. Vladanje svake osobe proglašava da on nema vjere i povjerenja u Boga i u ahiret kao što ima u svijet i njegove položaje i njegova sredstva. Jezici prividno tvrde mnogo ali su srca preplavljena s ljubavlju svijeta... Ja sam bio poslan tako da istina i vjera budu oživljeni i bogobožnost nadahne srca.'* (Essence of islam, tom IV, str. 110)

Huzur je rekao da uprkos činjenice što je učenje Časnog Kur'ana tu, srca su lišena (bez) njegovog uticaja. Zbog toga, kad svijet zaboravlja Boga On pošalje Svoje odabrane, opunomoćene ljude da ponovo utemelje Njegovo kraljevstvo na Zemlji. Očito je iz današnjeg stanja

stvari da je svijet zaboravio Boga. Ne samo nemuslimani, čak su muslimani postali vrlo materijalistični. Dolazak Obećanog Meisje a.s. se dogodio zato da on usadi učenje Časnog Kur'ana koje je utemeljeno prije 1500 godina od Časnog Poslanika s.a.v.s. Ovo je učenje koje je proizvelo živi odnos između čovjeka i Boga i koje je, u dodatku načinima obožavanja, također dalo upute u društvenim obavezama koje treba da se provedu da tražimo Božije zadovoljstvo. Ovo okruženje je bilo stvoreno uzvišenom duhovnom moći Poslanika islama s.a.v.s. i to je bilo čisto da traži Božije zadovoljstvo. U ovo doba Obećani Mesija a.s. je došao da utemelji isto; zato mi Ahmadi muslimani treba da sebe ispitujemo i vidimo da li igramo ikakvu ulogu u ovome. želimo li i žudimo li da Boga učinimo svojim Vali? Ili smatramo položaj i sredstva ovog svijeta svojim prijateljem?

“Reci: ‘Zar da uzmem nekog drugog prijatelja mimo Allaha, koji je započeo stvaranje nebesa i Zemlje, a On (sve) hrani, a nije hranjen?’ Ti reci: ‘Meni je naređeno da budem prvi od svih koji se pokoravaju.’ I ti nikada nemoj biti među mnogobošcima.” (6:15)

“...O Stvoritelju nebesa i Zemlje, Ti si prijatelj moj na ovom svijetu i na ahiretu. Podaj mi smrt u stanju pokornosti i pridruži me ispravnim.” (12:102)

Hudba 27. novembra 2009.

Božija manifestacija da je Vali (Prijatelj) pobožnih i predanih sljedbenika Božijih poslanika

Kratki sadržaj hudbe koju je 27. novembra 2009. održao Hazreti Mirza Masroor Ahmad Halifatul Masih V Ahmadija muslimanske zajednice

(Napomena: Naš tim 'Alislam' preuzima punu odgovornost za bilo kakve greške ili nerazumijevanje u kratkom sadržaju ove hudbe)

Huzur je u svojoj hudbi petkom danas dao izlaganje o Božijoj manifestaciji da je Vali pobožnih i predanih sljedbenika Božijih poslanika.

Huzur je rekao da je u nekoliko zadnjih hudbi dao izlaganje na temu Al Vali u svjetlu Kur'anskih ajeta, objašnjavajući kako Allah manifestuje da je Prijatelj i *Maula* (Zaštitnik) i kako osoba treba da nastoji i postane Božiji prijatelj. Najviši položaj Božijeg prijatelja je naravno bio poklonjen Časnom Poslaniku s.a.v.s.

“Mi smo vaši prijatelji u ovom životu i na ahiretu. Vi ćete u njemu imati sve što vaše duše požele, i u njemu ćete imati sve što budete tražili.”

Huzur je rekao da je najistaknutiji primaoc ovog očitovanja Časni Poslanik s.a.v.s., Božiji najveći miljenik, onaj zbog koga je svijet bio stvoren i za kojeg se Allah manifestovao kao Al Vali (Prijatelj) od njegovog rođenja do smrti. Allah ga je zato uvjerio: *‘... A Allah će te zaštititi od ljudi...’* (5:68) i zaštitio ga od svake štete. U toku njegovog preseljenja u Medinu dok se skrivao u pećini sa hazreti Abu Bekrom r.a. on je utješio svog druga: *‘... Ne tuguj, zaista, Allah je s nama.’* (9:40)

Zbog duhovne moći uzvišenosti Poslanika s.a.v.s. Božija manifestacija da je Vali vjernika mogla se vidjeti među njegovim vjernicima. Kad je Allah poslao Obećanog Mesiju a.s. on je također bio svjedok mnogih primjera da je Allah bio njegov Vali.

Hazreti Zubairov sin Abdullah bin Zubair prenosi da mu je njegov otac rekao u vrijeme jedne bitke da će njegov život biti uzet u toku tog događaja i savjetovao je svog sina da otplati njegove dugove prodajom imanja i također mu dao posebne druge upute. On je rekao svom sinu da ako se u bilo koje vrijeme suoči sa problemom u otplaćivanju duga, traži pomoć od njegovog *Maula* (Zaštitnika). Abdullah bin Zubair je pitao ko je njegov *Maula*? Otac je odgovorio: *‘Allah’*. Preneseno je da kad god je sin bio suočen sa bilo kakvom teškoćom u otplaćivanju duga, on je činio dovu: *‘O Maula Zubeira, otplati njegov dug’*, i situacija bi bila riješena.

Jedanput je neko pleme s namjerom prevare tražilo od nekih drugova Časnog Poslanika s.a.v.s. da dođu kod njih i omoguće im vjersku obuku, ali su ih oni umjesto toga ubili. Jedan od ubijenih je bio Ahsan bin Sabit. Nakon što su mu oduzeli život neprijatelji su nastojali da uzmu njegovu glavu pošto se jedna žena neprijatelja zaklela da će piti alkohol u njegovoj lobanji - jer je on ubio njezina dva sina u Bitci na Uhudu. Međutim, roj pčela je došao između neprijatelja i mjesta gdje je ležalo

Ahsanovo tijelo. Neprijatelji su odlučili da ponovo dođu noću i uzmu tijelo. Ali je u toku noći pala jaka kiša i bila je poplava koja je odnijela Ahasanovo tijelo. Nakon primanja islama Ahsan se zavjetovao da nikada neće dotaći tijelo idolopoklonika i da neće dozvoliti da idilopoklonik njega dotakne. Kad je hazreti Omer r.a. bio obaviješten o ovom događaju, rekao je: *'Bog štiti vjernike.'* Tako je Bog zaštitio Ahsana čak i poslije smrti.

Jedanput je Časni Poslanik s.a.v.s. poslao neke od svojih ashaba na ekspediciju sa samo jednom vrećom hurmi za jelo. U toku ekspedicije oni su jeli samo jednu hurmu dnevno i cuclali su je jer nisu imali ništa drugo za jesti. Natapali su lišće s drveta u vodi i jeli ga. Onda su našli veliku ribu uz more, ali pošto je bila mrtva oni su odlučili da to ne jedu. Onda su mislili o tome da su bili poslani od Časnog Poslanika s.a.v.s., i da su bili u teškoj situaciji tako da su odlučili da jedu meso ove ribe. Riba je bila toliko velika da im je trajala cijeli mjesec. Također su koristili i njeno ulje. Bog je napravio ovaj aranžman za njih. Nakon što su se vratili rekli su Poslaniku s.a.v.s. i on je rekao da su uradili ispravnu stvar. Huzur je rekao da je ovo bio Božiji način da pomogne ovim ashabima. Bog kaže o onima koji imaju savršeno vjerovanje u Njega, koji se drže bogobojznosti i oslanjaju se na Njega: *'...i opskrbit će ga odakle on ni ne pomišlja...'* (65:4). Huzur je rekao da Allah ispunjava Svoja obećanja vjernicima na ovom svijetu i ojačava njihovu vjeru da će On zaista ispuniti ova obećanja također na ahiretu.

U ispunjavanju Svog obećanja:

"... i drugima (je njega poslao) među njima koji im se još nisu priključili..." (62:4)

Allah je poslao Obećanog Mesiju a.s. i blagoslovio njegove sljedbenike Svojom manifestacijom da je njihov Vali.

Dr. Idr Deen sahib je čuo od nekoga da ako neko želi da postane prijatelj Boga (vali'ullah) treba da ide u Kadian. Zato je dr. Idr Deen sahib napisao pismo bai'ata Obećanom Mesiji a.s. Maulana Radžiki sahib prenosi da je često govorio sa svojim prijateljem Chaudhary Navab Khanom o duhovnim veličanstvenostima Obećanog Mesije a.s.. Jedanput su diskutovali da, kad je hazreti Maulana Nur-ud-din bio zapitan da je već bio posve izuzetna osoba šta je postigao od bai'ata Obećanog Mesije a.s.? Odgovor je bio da je postigao mnoge dobiti ali je jedna bila da,

dok je prethodno mogao vidjeti blagoslovljeni lik Časnog Poslanika s.a.v.s. dok je spavao, poslije bai'ata je to također mogao doživjeti dok je bio budan. On je rekao da je jedna ogromna korist društva Obećanog Mesije a.s. bila da se ljubav prema ovom svijetu potpuno ohladila iz srca hazreti Maulana Nur-ud-dina.

Chaudhary Daad sahib je prenio da je jedanput neko pitao Maulana Rajjiki da li je istina da neke osobite dove uzrokuju novčanu pomoć? On je odgovorio da je tačno da specifičan trenutak posebne duhovnosti može ovo učiniti mogućim. On je rekao ako on doživi takav trenutak i bude mu data takva dova da će reći Chaudhary Daad sahibu o ovoj posebnoj dovi. Maulana Rajjiki je doživio takav trenutak i zapisao je dovu koja mu je došla i to dao Chaudhary Daad sahibu savjetujući mu da to čuva uza se. On je to odmah stavio u omot svog turbana. Allah je primio ovu dovu na način da se on okoristio od toga za cijelu godinu. Nekako, on je onda izgubio ovu dovu i poslije toga je ovaj blagoslov prestao.

Hakeem Muhammed Ismail sahib navodi da je u toku sunećenja njegovog sina greškom bila prerezana krvna žila i beba je bila vrlo bolesna. U panici on je otišao da uzme neke lijekove. Dogodilo se da je Maulvi Sher Ali sahib prolazio tuda i Hakeem Ismail sahib mu je rekao o ovom događaju i tražio da čini dove. On je odmah podigao ruke da uči dovu. Kad se otac vratio kući predložio je da djetetu daju mlijeka. Dijete je uzelo mlijeko kao najzdravije dijete zbog proučenih dova za njegovo zdravlje.

Muhammed Husein Jhelumi sahib prenosi da kad je jedna ne Ahmadi žena, koja nije imala djece a već je dugo godina bila udata, čula da Maulvi Sher Ali sahib dolazi u posjetu pitala je da li joj može dati hamajliju. Muhammed Husein Jhelumi sahib je rekao da neće biti hamajlije ali da će od Maulvi sahiba sigurno tražiti da uči dove. Godinu nakon ovih dova ova žena je bila blagoslovljena sinom.

Maulana Rajjiki je prenio da mu je zbog rada na prenošenju poruke islama bilo podareno duhovno stanje da su njegove dove bile odmah primljene. Jedanput je, Chaudhary Daad sahib, koji još nije primio Ahmadijjat patio od hronične asme i govorio je o svojoj bespomoćnosti nad bolešću. On je rekao da je probao svaki mogući lijek ali da su doktori smatrali da je njegovo stanje neizlječivo. Maulana Rajjiki mu je rekao da očajanje i vjera ne mogu ići zajedno. Tražio je da mu se donese malo

vode i molio Boga za pomoć kroz Njegov atribut Al Šafi (Izlječitelj); učio je dove na vodu sa dubokom koncentracijom. Chaudhary Daad sahib je bio savršeno izlječen i nikada više nije ponovo patio od asme.

Huzur je naveo drugi događaj primanja dova Maulana Rajjiki kad su neki ne Ahmadi ljudi iz obližnjeg sela čuli o primanju njegovih dova i došli mu da traže da uči dove za jednog člana njihove porodice koji je bolovao od tuberkuloze. Maulana Rajjikiov otac mu je rekao da ide u selo i uči dove. Odmah nakon što je Maulana Rajjiki klanjao namaz pacijent se osjećao bolje. Iako su ovi ljudi imali dobru vjeru u Ahmadijat oni ga nisu prihvatili. Allah je obavijestio Maulana Rajjiki da je toj osobi bilo poklonjeno izlječenje kao dokaz istinitosti Ahmadijata, međutim, ako oni to ne prime ova osoba će umrijeti tog i tog dana. Allah je tako htio da pacijent bude bolje, ali bolest ga je ponovo napala i upravo određenog predskazanog dana on je umro. Začudujuće je da njegova porodica nije primila Ahmadijat.

Jedanput je čovjek došao hazreti Maulana Nur-ud-dinu i dao mu 200 rupija da ih za neko vrijeme čuva za njega kao amanet. Uskoro poslije toga je došao drugi čovjek i tražio od Maulana Nur-ud-dina zajam od 100 rupija. On je ovom čovjeku dao novac od iznosa koji mu je bio dat ranije i stavio potvrdu u vreću sa ostatkom novca i poslao vreću kući. Kratko poslije toga, čovjek koji je bio ostavio novac vratio se i rekao da je promijenio mišljenje i želio je da uzme svoj novac. Rekao je da će doći za jedan sat da ga uzme. Kad se vratio hazreti Maulana Nur-ud-din mu je rekao da je pogrešno oslanjati se na ljude, *'Ja sam pogriješio ali vidi kako Allah, moj Maula pomaže.'* Do vremena kad se čovjek vratio hazret Maulana Nur-ud-din je odnekle imao 100 rupija koje mu je vratio.


Obećani Mesija a.s. je rekao da Allah proglašava da ko god ima neprijateljstvo (i mržnju) prema Njegovom *vali* to je jednako pripremanju rata protiv Boga. On je rekao da Božiji prijatelji imaju značenje Božije djece. Kad se neka osoba njima suprotstavlja Božiji osjećaj časti bude pobuđen. Prijatelji Božiji su ljudi koji nijekaju svoju ličnost na Božijem putu i koji napuštaju sve lične želje i samo slijede ono što je Božija volja. Kad se neko suprotstavi vjerniku kao što je ovaj kako se on može nazivati vjernikom? Vrijeđanje onoga ko je određen od Boga nikada ne može donijeti dobar plod. Huzur je rekao da je Allah uvijek manifestovao osjećaj časti za Obećanog Mesiju a.s. i nastavlja da to čini ali oni koji ne žele da ovo razumiju, neće razumijeti. Božija veza sa Obećanim Mesijom

i sa ovom Zajednicom prevladava do ovih dana. Allah pokazuje onima koji se Njemu okreću u potpunoj iskrenosti, da bilo ko može uzeti udjela u Božijoj blizini i postati Njegov *vali*. Onaj ko iskreno traži Boga nikada nije uskraćen.

Huzur je pročitao dugačku dovu Časnog Poslanika s.a.v.s. i onda najavio tužne vijesti i smrti dvojice Ahmadi muslimana. Rana Salim Ahmad sahib iz Sanghera u Pakistanu bio je ubijen jučer ispred džamije. Neka bijedna osoba je pucala u njega izbliza. Umrli je bio obrazovana osoba, muusi, bio je vrlo aktivan u Zajednici i upravljao je vrlo popularnom školom u ovoj oblasti gdje su upisani preko 1000 djece. Iza sebe je ostavio udovicu, dvije kćeri i sina. Da im Allah dadne ustrajnost i uzdigne položaj umrlog. Giani Abdul Latif sahib Derviš iz Kadian (Indija), umro je prije nekoliko dana, imao je 82 godine. On je u ovoj oblasti bio jedan od 313 derviša hazreti Musleh Mauda r.a. i među raznim službama Zajednici bio je menadžer Al Fazl. Uprkos ekonomske skućenosti on je uvijek bio vesela osoba i razveselio bi svakoga u svom društvu. Jedna od njegovih kćeri je predsjednica ženske organizacije Leđna u Kadianu i njegova djeca su bila osposobljena da služe Zajednici u raznim nadležnostima. Da ih Allah osposobi da slijede stopama svog oca i da Allah uzdigne položaj umrlih. Huzur je najavio da će poslije džume klanjati dženazu namaz u odsustvu ove dvojice umrlih.



Ahmadiyya Muslim Jama'at za Bosnu i Hercegovinu



AHMEDIJA CENTAR:

Tuzlanska 1 b, 71000 Sarajevo, BOSNA I HERCEGOVINA

Telefon/fax: 00387 / 33 612 612

www.ahmadija.ba

Ljubav svakome, mržnja nikome!